

Li vint

Avoz d'dja choûté l' vint,
Li cia qui chicheléye dèl gnut,
Li cia qui clinciye lès poutes.

Avoz d'dja choûté l' vint,
Li cia qu'abroque à l'orêre do bwès,
Li cia qui pèse si lèdjêr' su l' flôye.

Choûteroz l' vint, èt ç' qu'i v' raconterè,
Dès pièrdoûwès sovances,
Qui v's-auroz co da mi ?

Choûtoz l' vint triyaner dins lès-aubes,
Divant qu'i n' vôle mûseliner dins lès dinrées.

Choûtoz l' vint scrèper lès massales dès balbûres
Divant d' si staurer su l' aplat d' l'étang.

Al piquète do djoû, choûtoz ci qu' i vos va dire :
On sclat d' bouneûr, qui v's-âroz mètu l' dwègt d'ssus.

Au mwaîs timps, dji veû èvi s'-t-alin.ne èdjaléye,
Su m' pia co tote tchôte di vosse dêrin bètch.

Lès fleûrs s'èdwâmenut su s' passadje,
Leûs bons gouts n' kèkîyenut pus mès narènes.

On pôve mivét d' solia sâye do chover lès nûlias...
Dès plomions d' nîve tournicotenu d'zo l' bîje.

Dji m'a stindu fén lon su l' blanc linçou,
Pôroz valu qui l' vint m'èpwate jusqu'à m' rapaujî !

Maujeni